



O'ZBEKISTON RESPUBLIKASI
SURXONDARYO VILOYATI QUMQO'RG'ON TUMANI HOKIMINING
Q A R O R I

Qumqo'rg'on tumani, O'zbekiston shoh ko'chasi 1-uy. 190900, tel.: (+99876) 46-52-511, qumhok@exat.uz

2020-yil “ 7 ” декабр

Қ-1893 -son

Qumqo'rg'on t.

Ўзбекистон Республикаси Президентининг 2020 йил 3 декабрдаги “2021 йилда расмий саналарни нишонлаш даврида кўшимча ишланмайдиган кунларни белгилаш ва дам олиш кунларини кўчириш тўғрисида”ги ПФ-6122-сонли Фармони ҳамда вилоят ҳокимининг 2020 йил 5 декабрдаги Қ-666-сонли қарори ижросини таъминлаш тўғрисида

2020 йил да фуқароларнинг расмий саналарни нишонлаш даврида тўлиқ дам олиши учун шарт-шароитлар яратиш, дам олиш ва байрам кунларидан оқилона фойдаланишини таъминлаш мақсадида

ҚАРОР ҚИЛАМАН:

1. Ўзбекистон Республикаси Президентининг 2020 йил 3 декабрдаги “2021 йилда расмий саналарни нишонлаш даврида кўшимча ишланмайдиган кунларни белгилаш ва дам олиш кунларини кўчириш тўғрисида”ги ПФ-6122-сонли Фармони ҳамда вилоят ҳокимининг 2020 йил 5 декабрдаги Қ-666-сонли қарори маълумот ва ижро учун қабул қилинсин.

2. Мазкур Фармонга кўра:

2021 йилда кўшимча дам олиш кунлари белгиланганлиги;

2021 йилда дам олиш куни 27 март - шанба кунидан 22 март - душанба кунига кўчирилганлиги;

2021 йил 2 январь - шанба, 20 март - шанба, 22 март - душанба ва 4 сентябрь - шанба кунлари барча ходимлар учун иш ҳафтасининг туридан қатъий назар, дам олиш кунлари ҳисобланиши белгиланганлиги;

бюджет ташкилотларида белгиланган кўшимча дам олиш кунлари ҳар йилги меҳнат таътилининг давомийлигини икки иш кунига қисқартириш ҳисобига қопланиши;

ҳар йилги меҳнат таътили даврида сақланадиган ўртача ойлик иш ҳақи миқдорини ҳисоблашда меҳнат таътилининг амалдаги давомийлиги ҳисобга олиниши ва унга белгиланган кўшимча дам олиш кунлари кўшилиши;

хар йиллик меҳнат таътилининг давомийлиги қисқартириш ҳисобга олинган ҳолда ўн беш иш кунидан кам бўлмаслиги;

бюджет ташкилоти ҳисобланмаган ташкилотларда қўшимча дам олиш кунлари меҳнат таътилига қўшимча бошқа кунлар билан бир қаторда молиявий имкониятлардан келиб чиққан ҳолда жамоа шартномалари ёки иш берувчилар томонидан касаба уюшмаси қўмиталари билан келишиб қабул қилинадиган бошқа локал ҳужжатларда белгиланиши маълумот учун қабул қилинсин.

3. Туман ҳокимининг тармоқлар бўйича ўринбосарлари ва тегишли ташкилот раҳбарлари:

аҳолининг узайтирилган байрам (ишланмайдиган) кунларида мароқли ва фойдали дам олишини ташкил этиш бўйича тизимли чоралар кўрсин.

4. “Қумқўрғон садоси” газетаси (Р.Менгзияева) байрам кунлари ўтказиладиган тадбирлар тўғрисида аҳолини кенг хабардор қилиш тавсия этилсин.

5. Мазкур қарорнинг ижросини назорат қилишни ўз зиммамда қолдираман.

Туман ҳокими



Р.Гаппаров